

P R O O E M I U M
A D L E C T O R E M.

Non pauci occidère Soles, LECTOR BENEVOLE, unde primum Artis Pharmaceuticæ solida jecerim fundamenta, ejusdemque integros sedecim annos continuus sedulusque sectator extiterim, indeque semper ad altiora adspirans Chymiam pro virili excolare cœperim, & hac pariter instructus tandem Apollineæ militiæ sacramentum dixerim, Artique Medicæ, cui Pharmaceutica nimirum & Spagyrica famulantur, totum me dederim. Hinc porro in hanc prorupi sententiam, cum viderem, quàm malè Authores plurimi in scriptis suis, quæ de Compositionibus & Præparationibus medicamentorum publico donârunt, hallucinati fuerint, me opera pretium facturum, si meæ in prædictis industria boni publici causâ tenue aliquod ederem specimen, atque hunc in finem Dispensatoria, alioquin innumeris scatentia mendis, sub incudem revocarem. Cum verò omnia ac singula Dispensatoria (quæ tamen uno ferè eodemque tenore conscripta, iisdemque & aequalibus erroribus defædata sunt,) sigillatim ad examen trahere nimis arduum foret onus, imò etiam supervacaneum, proinde Augustanorum illud, ceu inter cætera approbatissimum, & ubi vis in Germania à Medicis & Pharmacopœis receptum; quodque cuncta alia complectitur, adeò, ut, eodem à mendis liberato, reliqua omnia repurgata censeam, in manus sumere, eidemque strenuam meam locare operam consultum & proficuum duxi; in quo eà quâ fieri potuit brevitate errores præcipuos (omnes enim exaggerare & prolixè exponere qui vellet, Augiæ stabulum expurgare anniteretur) enucleavi, & prout potui emendavi, quæque in ipso omninò inordinatè & confusè à Medicis præscripta fuère compositiones, servatis ferè semper ipsarum ingredientibus, in ordinem redegei, nec non veram & dextram illarum præparationem, quantum quidem in numerosâ illa ingredientium toties tam manifestè inter se repugnantium congerie licuit, adjunxi. Ex qua mea qualicumque opera jam palàm fiet, quantopere necessarium sit illi, qui de Compositionibus & Præparationibus medicamentorum utile aliquid scriptis commendare satagit, ut Artis Pharmaceuticæ, pariterque Scientiæ Spagyricæ fundamentis & præceptis non leviter tinctus ac imbutus sit, secus enim in rebus jatricis & operationibus vel levissimis hærebit, ac in absurdissimos se præcipitabit errores. Existimo autem, atque abundè mihi polliceor, quod, si quisquam has meas Animadversiones super prænominatum Augustanorum Dispensatorium studiosè attenteque perlegerit, ac sine præconceptâ opinione mente revolve-

rit,